



OKVIRNI SPORAZUM o javnoj nabavci telekomunikacijskih usluga fiksne i mobilne telefonije

KJKP Sarajevogas, Sarajevo, Ul. Muhameda ef. Pandže br. 4, Sarajevo, BiH,
Koga zastupa: Direktor Preduzeća Mr.sc. Nihada Glamoč, dipl.ing.maš. (u daljem tekstu: Naručilac),

i
«BH TELECOM d.d.», Ul. Franca Lehara 7, 71000 Sarajevo, BiH,
Koga zastupa: v.d. Generalni direktor Sedin Kahrman, (u daljem tekstu: Pružalac),

Član 1.

Predmet ovog okvirnog sporazuma je nabavka telekomunikacijskih usluga fiksne i mobilne telefonije po provedenom otvorenom postupku nabavke broj: **TD-05-21/19, LOT-1: telekomunikacijske usluge fiksne i mobilne telefonije**, a shodno čl.32. Zakona o javnim nabavkama BiH i ponudi pružaoca usluga.

Član 2.

Okvirni Sporazum se zaključuje u ukupnoj vrijednosti usluga u iznosu od **104.288,84 KM** bez PDV-a (slovima: sotčetirihiljadedvijestotineosamdesetosami84/100KM).

Potpisivanjem ovog okvirnog sporazuma naručilac ne preuzima obavezu niti garantuje izvršenje nabavke predmetnih usluga u bilo kojem obimu ili vrijednosti, a naročito ne u iznosu iz predhodnog stava.

Obaveze pružaoca usluga su:

- da naručiocu usluga odmah nakon potpisa ugovora dostavi telefonski broj/brojeve za prijavu kvara,
- da imenuje kontakt osobu za svaku traženu uslugu (ime i prezime, tel./mob., e-mail) koja je odgovorna za koordinaciju sa naručiocem za vrijeme i mimo radnog vremena sa dostupnošću 24/7,
- da otkloni kvar u roku od **2 sata** od trenutka prijave kvara, naročito za usluge koje su vezane za rad dispečerskog i nadzornog centra (fiksna/mobilna telefonija, telemetrijska akvizicija podataka, sistem tehničke zaštite) za vrijeme radnog vremena, dok je rok za otklanjanje kvara mimo radnog vremena kao i u dane vikenda i praznika **6 sati** od trenutka prijave kvara,
- da obezbijedi prenos podataka, na svim lokacijama, fizičkom vezom u skladu sa pravilima struke, a sa osiguranim pristupom,
- da obezbijedi svu potrebnu opremu, materijal i usluge potrebne za pružanje usluga u skladu sa zahtjevima naručioca, vodeći računa da sva oprema i materijal ostaju u vlasništvu pružaoca usluga,
- da o svom trošku održava funkcionalnost sistema,
- da obezbijedi potpuno neometan prenos podataka 365/24, sa posebnim akcentom na akviziciju podataka telemetrijskog sistema i sistema tehničke zaštite,
- da izvrši blagovremenu najavu eventualnih radova na sistemu minimalno 24 sata ranije,
- da obezbijedi automatsko prebacivanje fiksnih brojeva dispečerskog i nadzornog centra na GSM mrežu u slučaju prekida rada fiksne telefonije,
- da obezbijedi neometano functionisanje GSM i GPRS servisa 365/24,
- da, ukoliko ne ispuni u cjelosti neku od ugovorenih usluga, nadoknadi štetu naručiocu usluga u skladu sa zakonom i pripisima koji regulišu uredno izvršenje ugovorenih obaveza.

Obaveze nastaju tek zaključivanjem pojedinačnog ugovora o javnoj nabavci usluga iz čl. 1 ovog ugovora.

Član 3.

Okvirni sporazum se zaključuje za period od 2 (dvije) godine prema Obrascu za cijenu ponude broj: SP-OJ04-TD-05-21/19-01, LOT-1: telekomunikacijske usluge fiksne i mobilne telefonije, koji je priložen ovom okvirnom sporazumu i predstavlja njegov sastavni dio.

Ugovorne strane su saglasne da će su ugovorene cijene iz Obrasca za cijenu ponude nepromjenjive.



Član 4.

Za period naveden u članu 3. ugovorne strane će zaključivati pojedinačne ugovore o nabavci usluga iz čl.1. ovog okvirnog sporazuma prema potrebama naručioca.

Član 5.

Pružalac usluga se obavezuje da će usluge iz člana 1. ovog okvirnog sporazuma izvršavati svakodnevno u neprekidnom trajanju od 24 sata, nakon potpisivanja pojedinačnog ugovora iz člana 4. Za svako neopravdano kašnjenje u izvršenju usluga naručilac će pružaocu zaračunati penale u iznosu od 1% s tim da iznos penala ne može preći 5% ukupne vrijednosti ugovora iz člana 4. ovog okvirnog sporazuma.

Član 6.

Pružalac će obračun izvršenih usluga vršiti po jediničnim cijenama iz priloga ovom okvirnom sporazumu. Naručilac će plaćanje izvršiti nakon isteka roka od **30 dana**, a po prijemu uredno ispostavljene poreski ispravne fakture za izvršene usluge na transakcijski račun pružaoca usluga naveden na fakturi.

Član 7.

Obaveza pružaoca usluga je da u roku od **petnaest (15) dana** računajući od dana potpisivanja ugovora iz člana 4. Ovog okvirnog sporazuma, dostavi naručiocu garanciju za dobro izvršenje posla u iznosu od 10% od vrijednosti ugovora, po svakom pojedinačno zaključenom ugovoru, u obliku bezuslovne bankarske garancije sa klauzulom plativo na prvi pisani poziv korisnika garancije i bez prava prigovora, sa rokom važnosti: rok izvršenja ugovornih obaveza + 30 dana.

Ukoliko pružalac usluga obavi sve ugovorene poslove kvalitetno i u roku, naručilac će u roku od petnaest (15) dana pružaocu usluga vratiti pomenutu garanciju.

Ukoliko pružalac usluga ne dostavi traženu garanciju po svakom pojedinačno zaključenom ugovoru u zadanom roku iz stava 1. ovog člana, zaključeni ugovor će se smatrati apsolutno ništavim.

Član 8.

Odredbe ovog okvirnog sporazuma ne mogu se mijenjati nakon njegovog zaključenja.

Član 9.

Ovaj okvirni sporazum primjenjuje se danom potpisivanja od obje ugovorne strane.

Član 10.

Sve eventualne sporove ugovorne strane će rješavati mirnim putem, a ako u tome ne uspiju nadležan je sud u Sarajevu.

Član 11.

Okvirni sporazum sačinjen je u 4 (četiri) primjeraka od kojih svaka od ugovornih strana zadržava po 2 (dva) primjerka.

Za Pružaoca:


v.d. Generalni direktor, Sedin Kahrman

Broj ugovora, 13-19-1334/19

13-06-2019

Za Naručioca:


Direktor Preduzeća Mr.sc. Nihada Glamoč, dipl.ing.maš.


Izvršni direktor Mr. Mehmed Mehović, dipl.oec.

Broj ugovora, 130/19
31-05-2019